

DISSERTATIO INAUGURALIS MEDICA

De

FEBRE, PER SE NUNQVAM LETHI- FERA,

QUAM

RECTORE MAGNIFICENTISSIMO,
SERENISSIMO PRINCIPE AC DOMINO,

DN. FRIDERICO WILHELMO,

PRINCIPE BORVSSIÆ, MARCHIONE BRAN-
DENBURGICO, RELIQUA;

GRATIOSO FACULTATIS MEDICÆ CONSENSU,
PRÆSIDE

DN. GEORGIO ERNESTO STAHL,

CONSIL. AUL. ET ARCHIAT. REG. MED. ET RER. NATU-
RAL. PROFESSORE PUBL. ORDIN. ACAD. NAT. CUR. COLLEG.

LONGE DIGNISSIMO,

ORDINIS MEDICI h. t. DECANO.

DN. PATRONO, PRÆCEPTORE, AC PROMOTORE SUO

omni Observantia atque Honoris cultu et atem colendo,


PRO GRADU DOCTORIS,

Summisque in Arte Medica Honoribus, Insignibus, ac Privilegiis
Solenni obtinendo more Majorum

Ad d. Mart. MDCCXIV. horis ante & pomeridianis

IN AUDITORIO MAJORI

Publico Eruditorum examini submittit

JOHANNES MARTINUS 

Pofonio - Hungarus.

HALÆ MAGDEBURGICÆ,

Literis CHRISTIANI HENCKELII, Acad. Typogr.

10431

10431

10431

10431

10431

10431



DISSERTATIO MEDICA INAUGURALIS
De
**FEBRE, PER SE NUNQUAM
LETHIFERA.**

PROOEMIUM.



Vam longè à vera Scientia, absit simplex notitia, per historicas traditiones propagari solita, & ita non tam bona fide, (quæ semper sollicitam perquisitionem omnium verarum negotii conditionum, ad minimum uti in ipso facto, supponit) quam nuda credulitate indiscreta, suscepta, ut innumeris aliis exemplis abunde constat; ita hinc etiam innotescere potest, quod in re, mortalibus alias non parvi æstimata, nempe ad vitam ipsam, atque sanitatem firmam, pertinente, Medicina, fiducia illa, non immeritò cœca appellanda, ita prævaluerit, ut undique, potius, quid dicatur, quam quid intelligendum veniat, imò passim quasi di-

lucescat, attendendo, ad qualemcunque scientiam ita acquirendam, animus, nedum vires ejus nusquam intenduntur. *Multa ante nos, ait Philosophus, egerunt veteres, sed non peregerunt; & alibi, nihil in sui initio perfectum esse, monet.* Hominem esse non oporteat, qui propterea antiquorum laudem elevare, in animum inducat, quod non totum, laudabiliter susceptum negotium, posteros erudiendi, ita ad plenam perfectionem perduxerint, ut his non tantum otari, sed etiam immentum, & veteribus non probandum, fœnus inde corradere, tanquam ab intestato obtigerit. Est illa sane hæreditas, accepisse à majoribus, præsertim bene partas, facultates; At, quisquis hæres, honestam parsimoniam, & rerum suarum administrandarum solertem rationem, non aliunde, quam in tabulis aut Codicillis, accepit à parentibus aut cognatis, illi rem bono titulo acquisitam, malo usu perire, nemo miratur, omnes autem boni etiam indignantur. Quid autem, quod, quibus affluunt opes, ne quidem hoc magnopere curant, ut computos etiam posteris relinquant, unde, per omnes minutias, quidvis acceperint; his quoque parum profutura diligentia: dum modo illius non obliviscantur, quomodo quæ acceperunt, recte collocare possint, ne expensarum rationes, fundum enervent imò exhauriant. Plane hæc Scena luditur etiam cum Medica Scientia atque arte. Seduli fuerunt majores nostri, quin solliciti, ad colligendum varium è bonis fundis, quæstum; transmiserunt hunc ad posteros: confidentes fore, ut hi augeant potius, quam deteriora reddant, prædia. Et uti, recte monente proverbio, *facile est inventis aliquid adde-*
re;

re; ita non tam pudori esse debet majoribus, si omnia sua bona, & totius fundi sui fertilitatem, nondum ipso usu atque fructu perspexerunt: sed illis potius indignandum, qui cultura atque cura meliores hos reddendi compotes, à neglectu, non modo pluribus, sed pristinis etiam commodis, excidunt. Quantas copias observationum atque annotationum, circa historiam, imò ipsam indolem, *Februm*, sedulò & solerter collegerit *Hippocrates*, testantur prolixa ejus volumina. Attentionem Viri, & optimam intentionem, illud abunde declarat, quod non contentus dixisse atque annotasse, commendet etiam, frequente parium repetitione, & ut loquuntur velut inculcet. Disponere illa omnia in ordinem prorsus exquisitum, potuisse, nemo meritò diffidet: debuisse, inter tantum susceptum laborem, nemo æquus contendet. Ulcus videtur, non tangendum, cur, quod ille, vitæ unius hominis ambitu, non perfecit, tot ab illo tempore seculis, factum non sit aut perfectum? Si enim ille potuit, quid non potuissent tot post illum vita potiti; inventis jam præsertim, quæ ille in hos usus paraverat: si debuit, quid non hi deberunt? Sed vanæ sunt hæ querelæ; *quicquid ætatis retro est, mors habet*: qui adhuc vivunt, certe eo, quod ab ipso habent, ut bene utantur, interest. Nullum cœptum bonum & laudabile, prorsus serum est. Illud nemo negare potest, quod circa contemplationem *Februm*, *Hippocrates*, uno præsertim loco, sententiam protulerit non probandam: sed, quid ad hoc dicendum erit, tamen ab omni posteritate, uno ore atque animo probatam. Est ea, Lib. de Diætâ Acutor. quod *Febres ho-*

mines occidant. Quæ opinio, ut ipsi rei naturæ, è diametro contraria, cum veræ indolis Febrium evolutionem, non potuerit non impedire ; imò, inconditè suscepto hoc præjudicio, in solidum evertere : Puto tempus tandem esse atque ferre, ut legalitas ejus, inspectis actis & probatis, ut forenses loquuntur, revideatur. Egit hoc ab aliquo jam tempore Excell. D. D. Præses ; cum autem Thema DISPUTATIONI INAUGURALI constituendum esset, elegi hoc imprimis : periclitaturus vires, an non tandem, pleno jure & constante fide, decernere detur, quid de quæstione tanti ponderis sit sentiendum. Absit tamen, ut ego mihi statuendi plenam potestatem vindicem ; Advocati partibus contentus ero, documenta, cum studio atque fide perquisita, proferam : judicibus æquis, peritis harum legum, & prudentibus, decernendi auctoritatem, non tam permitto, quam liberaliter refero. Publicæ itaque disquisitioni, placidæ atque doctæ, offero Theses, quibus probare justa est fiducia, quod FEBRIS, IN SE, NUNQUAM sit LETHIFERA.

Deus T. O. M. ingenuo proposito atque liberali coepto, benedictione sua clementissime adspiret, & felices successus, atque salutarem fructum, largiatur.

Thes. I.

INstitutum nostrum est, disquisitioni placidæ atque solerti offerre *rationes*, confirmantes, quod *Febris, nunquam, in & ex se, sit lethifera.* Ne vero diversa opinio de *Febre*, quid hoc nomine propriè designemus, censeamus, & intellectum velimus, gratuitam *ambiguitatem* introducat, aut obrepere sinat, edisseremus antè omnia, nostram

nostram hâc de re mentem: *Primo* itaque, ex iis, quæ, in *sensum* incurrunt, *Febrem* esse agnoscimus, quando homo, etiam citrà probabiles aut sensibiles, *externas*, *directas*, *causas*, *refrigescere* incipit; & frigus hoc per aliquod tempus, vel ita *durat*, vel notabiliter increbescit & *augetur*: interdum etiam eo usque, ut non aliter, quam ab *externa* ingente frigoris impressione, percurfantibus *horridis tremoribus* corpus percellat. Postquam autem *frigus* hoc per aliquod temporis spatium duravit, *calor* in ejus locum succedat; naturali gradui in *excessu* impar, & similiter, directè, alicui *extrinsecus* accedenti, aut ex arbitrio susceptæ, causæ, non adscribi possit. Vel etiam, *sine* præcedente *frigoris* sensu, inusitatus talis eminentior *caloris* gradus, hominem occupet, ante dicto, veluti *spontaneo*, ortu & incurfu. Hic verò *calor* insolitus, vel per *insigne* temporis spatium, vel prorsus aliquot *dierum* decursum, perennet & persistat. Vel etiam, *frigus* illud, cum *succedente* contrario *calore*, succedentibus diebus, & horum plus minus *statis* horis aut intervallis, revertantur. *Simul* autem sic affectus homo, etiam aliàs, à legitimo sanitatis statu atque sensu, in diversum abeuntes, molestos affectus persentiscat; *torporem*, *languorem*, *lassitudinem* insignem; *appetitûs* vel insignis decrementum, vel inconstantem monitum: imò potius *fastidium*, & ipsius usque *mentis*, *tedium*, *somnolentiam* in consuetam, aut contra *somni* impotentiam: aut *inquietum*, & vix *levem*, somnum: *Capitis* *perturbationem*, aut *dolorem*: *sitim* inusitatam, cum, vel sine, *oris* insolita *siccitate*: sub his rebus etiam *habitus* corporis, *aspectu* ipso dignoscendam ostendat alterationem; ut nunc tanquam *extenuatus* & præter morem atque modum *pallidus*, nunc *rubicundus* atque *turgidus*, compareat: *visus* etiam & *auditus*, objectorum impatientior sit: *respiratio*, à constante suo atque ordinato tenore deflectat: & ipse patiens, tam corpore quam animo, *agere* sibi esse profiteatur. *Pulsus*
cor-

cordis & arteriarum, imprimis sub *calore*, *frequentior* & *celerior*, sanitati consuetam mensuram non observet: & quanto magis & diutius hæc omnia perseverant, tanto magis atque gravius etiam æger inde *languet*. Tandem circa *excretiones*, *Urina*, *quantitate*, *consistentia*, *colore*, offerat constitutionem sano hominis talis statui insolitam; *alvi* successus, subinde consueto ordini non insistant: *sudor* autem, præter morem consuetum, & alios incallescendi gradus, diverso modo procedat aut succedat.

Thef. II.

Ex iis, quæ minùs directè & simpliciter in *sensus* incidunt, *ratione* tamen facilè percipiuntur, in *Febre* agnoscimus, insolitum *motum* atque *modulum*, *progressivi motus* seu *circuitus*, sanguinis; tum etiam, è manifestis ipsi visui, *stricturis*, *porosi habitus exterioris* corporis, aliam rationem & effectum ad *secretiones* & *excretiones*, è massa humorum secedentium portionum & recrementorum.

III.

Omnia hæc in unum collecta, Systema affectuum & effectuum constituunt, quod *Febrē* appellamus; neque nos quidem soli, sed habemus in hoc, quantum nobis liquet, neminem dissentientem. De hac *Febre*, dicimus, quod nunquam sit *levis*; nempe nemo, ex tali affectu, vitam amittere possit, aut soleat. Quod ipsum ne imperitiori alicui nimis liberè dictum videri possit, ex abundanti providere placet. Posset enim forte talis argumentari, cum utique allegatæ circumstantiæ, uti singulæ, ita tanto magis in unum Systema conspirantes atque concurrentes, utique aliquid sint à *sanitate* deflectens atque alienum; fieri non posse, quin, quantò diutius *continuentur*, tanto *magis* etiam à *sanitate* recedant & eidem detrahant: adeoque *longa* & *perenni* continuatione, ipsi vitæ exitium machinentur. Ita dubitanti, satis erit respondisse, hoc fieri *non solere*; adeoque juxta Metaphysicos, quæ res nunquam in *actum* deduci

ducitur, ejus neque *potentiam* certam supponendam esse: aut ad minimum, à tali *potentia* ad *actum*, non valere consequentiam, juxta Logicos. Quanquam enim Febres *diuturnæ* inveniantur, quæ ad mortem usque comitentur ægros: aliud tamen esse, *cum* Febre mori, aliud à *febre*, uti Metaphysici adolescentes docent; ita nos, in substrata materia, mox ostendemus.

IV.

Nempe fert assertio nostra, quod *non lethifera* sit Febris, *in se & ex se*. Dixero aliquis, quid ergo aliud est cum febre, quod effectum illum edat? respondemus breviter, quod prolixius deducendum veniet: *Materia*; non Metaphysica illa, ipsius *Febris*: sed Physica, respectum Metaphysicum ad febrem tantum habens *subjectivum & objectivum, passivè materiale, & finale, in quam, & propter quam*, agit atque agitur *Febris*.

V.

Justas autem sic interrogandi causas reddidit, communis consensus, totius, omni ævo, scholæ Medicæ; dum nihil aliud, quam quæ nos supra recensuimus, non solum pro *Febre*, sed usque adeo, *in ipsa febre*, agnoscens, hanc tamen, qualem descripsimus, Febrem, *ipsam & in se*, pro morbo agnovit, atque declaravit. Unde tanto minus mirum esse, imò aliter non esse, aut fieri, poterat, quin, cum homines, *in, & cum* febribus, *mori*, sæpius observaret, *Febri* ipsi, tanquam soli atque vero illa tempestate præfenti morbo atque *rei præter naturali*, culpam in solidum impone-
rent.

VI.

Interim contrarium, & quod utique *materia* singularis, præsto sit in febre, quæ non solum *sub* hac sese manifestet; quod tanquam *effectus* ipsius febris argui atque explicari posset: sed quæ ipsam febrem *excitet* atque *provocet*, ut alia multa, in variis febribus monstrant, ita hoc imprimis in *laboriosioribus*, & magis ambigui eventus, quæ à

contagio initium suum ducunt: Adeò usque *materiali* atque *corporali*, ut etiam frequenter ipsæ *merces*, & vehicula quasi, innotescant, cum quibus *Pestis* præcipuè, non ex *urbe* solum, sed tota *provincia* diffitâ, in aliam, adeoque homines ibi viventes, transferatur. Et quid aliud sibi volunt antiquissimæ animadversiones, de febribus *Epidemicis*, certas *tempestatum* constitutiones insequentibus; nisi quod hujusmodi ambientis aëris mutationes, corporis humani succos & *materias*, ita male habeant, & afficiant: non ut hi succi ipsi fiant Febris, sed ut febrem efficiant.

VII.

Quamvis autem nemo sit, quin intelligere possit, quod omnis utique schola Medica, nunquam dissimulare, nedum dubitare, in animum induxerit, quod febres habeant *materialem* causam; seu materiam *corpoream*, pro sua causa: relinquimus tamen cujuslibet æqui arbitri judicio, quo jure, & qua evidentiâ, *effectus* illos, quos, tanquam ab ipsa *materia* directe, corpori inductos, pro ipso *morbo* habuerunt, huic *efficiendi* & *fiendi* rationi assignaverint. Quod ipsum tamen judicium, ut etiam habeat *argumenta* atque *documenta*, quibus inniti possit, rem ita justæ pensitationi admovemus.

VIII.

Primò enim, in solo propemodum *frigoris*, aut *caloris*, eventu, subsistentes; utrumque assignaverunt soli humorum *putrescentium* effectui: *Frigus*, quidem quando humores *extrâ* vasa, in substantiam partium effusi, ibi *putredinem* hanc subeant, aut foueant. Licet non addita ratione, quomodo à *putredine*, inter *solidas* res fiende, *frigus*, produci possit: cum experientia in *fimo*, *scæno*, *gramine*, *stramine*, *farina*, *carnibus* &c. purum *contrarium* in sensus ingerat.

IX.

Nisi quod *absentiam* caloris, æque atque *pallorem*, *subsidentiam* quasi extenuatoriam, *fugæ spirituum* à loco pu-

credinis, imponderent. Infelici in eo consequentia, quod putredo *intra vasa* supposita, *calorem* febris producere putaretur; non solum per externum habitum corporis, spiritibus huc confugientibus, interna frigere necesse esset: sed etiam tum spiritus, tanquam *Architecti caloris* ita declarati, sub *frigore* externi habitus, ad *interiora* dilapsi, ibi iterum, illo ipso tempore, *calorem* inducere necesse haberent: experimento opinionibus adeo contrario, ut vel ipse *halitus* ægrorum, tunc temporis *frigidulus* sentiatur.

X.

Ita etiam quæ de *pulsus* mutatione opinati sunt, iisdem angustis implicantur; si enim augmentum sub *calore*, (cum recentioribus) à *stimulatione*, à *materia morbida*, ipsis *putrescente*, deducant: si à *spiritibus* maiore copia incumbantibus: utrinque hæret aqua. Quis enim fieret, ut in *gravissimis* febribus, *materia* morbidâ, juxta universalem consensum, cor præcipue obsidente, vel plane *nulla* mutatio, vel *parva*, *pulsationis* sentiatur? Vel, si *spiritus* illam efficerent; sub externo *frigore* cordi incumbentes, nihil hujus facerent: sub *calore* verò, nempe à spiritibus ad *exteriora* dilapsis, exacerbatio *pulsationis* quam maximè fieret?

XI.

Enimverò, plus certè condonandum hic est *veteribus*, qui neque perpetui *progressivi* motus sanguinis, neque *usus* ejus eximii, ad *secreta* & *excretiones*, gnari fuerunt. De recentioribus, qui ex hac scientia nihil maturioris fructus colligere cordi habent, æquis arbitris permittimus judicium.

XII.

Interim Veteres magnifice agnoverunt, & omnes illorum observationes atque intentiones, eò præcipue colligunt, quod *secretio* putredinosæ talis materiæ ex humorum latifundio; & tandem *excretio* è toto corpore, totum *salutarem* processum atque successum debellationis Februm,

absolvat. Unde tam digno loco habuerunt *coctionem* materiae, & *Crisin*; nempe illam, *dispositionem* ad *secretionem* subeundam: hanc, *secreta* ex humorum massa, putridae materiae *excretionem*, praestituras. Nec abnuunt recentiores, quoties veritati potius experientiae, quam inanibus speculationibus, de eo quod actu non fit, animum advertunt.

XIII.

Quomodo interim vel *in genere* fieri *debet*, vel, per recentius inventam sanguinis *circulationem*, fieri luculenter *potest*, ut *materia, corrupta & corrumpens*, & hoc brevibus temporis successibus, patiens magna copia, aut agens, & nisi *excernatur, plus & diutius* factura, brevioribus temporis successibus è corpore *expellatur*? adeoque hoc, ablatis alienis atque noxiis, suae *puritati* atque *sanitati* restituatur. Quomodo inquā fieri hoc aliter potest, aut debet, quam *maturatis secretionibus* è bonorum adhuc humorum latifundio, & prorsus *excretionibus*.

XIV.

Quomodo autem *aliter*, nedum *melius*, brevioris temporis successu, *maiore copia*, fieri potest *secretio*; nisi *frequentiore* humorum per omnes sui portiones, *appulsu* ad colatoria? *appulsus* hic frequentior, quomodo aliter fieri potest, nisi aucto universo *impulsu*, & frequentiore *propulsu*. *Excretiones* enim fieri non posse, *materiarum* per totum humorum latifundium dispersarum, sine praevia *secretione*, nemo puto in dubium vocabit.

XV.

E quibus itaque, etiam simplicissimis, considerationibus, in aprico est, quod non solum Veteres, in declaranda illa, respectu corporis *vivi*, pure *passiva*, efficacia, debita connexionione excidant: sed etiam recentiores, necessitatem talem *activam* inveniant, sine qua corpus, à noxiis illis & obnoxiiis materiis, *liberari, repurgari*, atque suae *purita-*

ei & sanitati restitui, *nullo alio modo* posset : sed hoc *uno*, omninò possit.

XVI.

Priusquam itaque, quicquid è solidis his consideratio-
nibus ultimò colligi & concludi potest, imò debet, elicia-
mus ; utile apprime, nisi quidem absolute necessarium, e-
rit, collustrare, quid in illis circumstantiis, quarum totum
complexum, *Febris* nomine comprehendì monuimus, ab i-
pso hoc actu & processu, *apparatus secretorii & excretorii*,
dependeat, inducatur, atque producat : aut quid vicissim,
magis forte probabiliter, aut prorsus evidenter, *directis ef-*
fectibus morbidarum *materiarum*, tribuendum veniat?

XVII.

Ibi illud, ante omnia, considerandum ducimus, quod
materialis illa corruptio, quæ in Febris magis *directis*, i-
psi Massæ Humorù; in *secundariis* autem, unà parti alicui
solidæ, incumbit, totus apparatus *secre. & excretorius*, ita ve-
lox atque fortis, nulli absolutæ corporali, seu *materiali*,
necessitati, ita innitatur, ut non posset quiescere ; quando-
quidem hoc loquuntur exempla, *citò & certò lethaliù* even-
tuum, in *summe malignis* pestilentibus febribus ; ubi sic affe-
cti, sine sensibili, aut certe effatu digna, febre extinguuntur :
ubi certe, cum adeò deleteria sit vis *materiæ* pestilentis,
tanto vehementiores esse deberent inde concitata commo-
tiones. Id quod etiam universa indoles *contagiosarum*, sem-
per præ reliquis *malignarum*, febrium, in eo testatum facit,
dum hæ febres, legitime succedentes, *commotionum* gradus
exhibent, ceteris plerisque longe *mitiores*.

XVIII.

Illud autem utique certum atque ratum est, quod
huiusmodi *commotio* fortior *localis* humorum, eo
sine atque scopo absolutè *necessaria* sit, ut hac ratione,
vita corpori, *remotione & excussione* noxiarum ma-
teriarum, vindicetur, atque conservetur. Adeoque non

tam usquam à *materia* morbida, quam *contra*, adeoque propter materiam morbidam, ut *disturbandam* & *exturbandam*, instruatur. Sin autem hoc *non*, aut non satis *tempestive*, aut non recte atque *ordine*, suscipiatur, continuetur, & ad finem usque deducatur, tunc suæ libertati relicta noxia *materia*, effectus suos, tanquam per otium, atque luxum, prodigè exequatur.

XIX.

Quando verò *acutior*, & quidem *diutius* continuandus, sanguinis *progressivus* motus, ad hujusmodi necessarium *finem*, in actum deducitur; tunc pressio quasi pede, *progressivum* motum concitatiores, sequitur *intestinalis* etiam citior; qui, ut iste pulsum, ita ipse *calorem*, sanguinis, & tantò magis reliqui corporis, adauget. Sic quidem speramus, peroratum tandem esse illam veracis experientiae, & perspicuae rationis, causam, quod sanguis, plus in *allisorio* atque *affrictorio*, *transpulsu*, per solidarum partium poros, *incalescat*; quàm unice *intestino* sui particularum, mutuo *colliisu*: postquam illam rem, ante annos proxime XXX. Excell. D.D. Præses, Jenæ adhuc Medicinam docens, de *respirationis* effectu, contra omnis Scholæ Medicæ opinionem, tenere occepit.

XX.

Frigus autem quod attinet, non potuit ullus adhuc mortalium, manifestarias illius causas deprehendere in *Febris*; quamdiu non solum hæc ipsa productio *caloris* ad animos non pervenit: sed etiam constitutio *habitus* porosarum partium sub frigore, per *visum* vix altius, quam ad *internum sensum communem*, penetravit. Qui verò illud, quod oculis conspicit, quomodo porosæ partes *contrahantur*, infarctus sangviferorum vasorum *inaniatur*, sanguis ad *interiora* repellatur, *pallor* exsangve corpus externum obfideat, *tensus* sensus atque gravitas, artus occupet, ad animum revocat: ille non poterit ignorare, quomodo, depul-

sō & interclusō sanguinis sufficiente *transpulsu*, qui *calorem* proprie confert, ante omnia *frigus* oriatur in his partibus, & reliqua phænomena sustententur.

XXI.

Altior est quæstio, **CUR** hæc ita fiant, quæ *frigus* post se trahunt? Sed non ita profunde delitescit respondendi & intelligendi ratio. Dum in illis tantum Febribus hæc obtingunt, in quibus vel *materiæ* morbidæ, *intus* circa viscera obhærenti, *emollitione*, *dilutione*, *vehiculo*, opus est, ad ulteriorem depulsionem: vel *viscera* interna, sequestratoria, ad longiorem & expeditiorem talem usum, in isto *coëpti* principio, *expandenda* quadantenus veniunt, ut eo liberiùs officium suum exequi & persequi valeant.

XXII.

Quamvis autem hucusque, de febre, ut *in genere*, loquentes, de *materiæ* noxiæ, & quidem *presentius* nocituræ, aut nocentis, *secret.* & *excretionem*, velut unicè locuti simus; quia tamen circumstantia, etiam febribus *in genere*, impendet, quæ tamen *unam*, aut *duas*, febrium species, etiam per se, aut certe eminenter, excitare potest: venit proinde etiam de illa aliquid dicendum. Non tamen eo seusu, ac si hæc etiam circumstantia, à *secretionis* & *excretionis* scopo in solidum abiret: sed quod ad minimum luculentiore remonstratione opus esse videatur, quod etiam in hac, *mediate*, ad *secre.* & *excretionem* ultimus rei gerendæ scopus collimet.

XXIII.

Abundantia stricte dicti *Sanguinis*, quod dari possit & frequenter inveniri etiam soleat, speramus prolixiore deductione non indigere. Quod hæc *abundantia*, non solum per se *molesta* sit corpori; sed etiam ad *motus* voluntarios liberos atque liberales, minus parem reddat hominem: *expansionibus* autem atque *turgescentiis*, & inde promptiori *oppletivæ* lassitudini, ansam præbeat: imò *infarctibus*, *stasibus*,

inflammationibus corpus exponat: nihilo majorem difficultatem conceptui objicere posse, confidimus.

XXIV.

Quod autem quibuslibet febribus, in eo notabile incommodum objiciat, quod *auctiorem* & necessario satis liberum, sanguinis circuitum, *pondere*, & *expansione*, gravet & præpediat; *oppletivam* talem ac tensivam lassitudinem adaugeat: & ibi quoque *inflammationis* periculum foveat: molestiam autem *caloris* exaggeret: & præterea plus *materiae*, cui febrilis fomes potissimum nocere possit, constituat, satis evidens esse arbitramur.

XXV.

Jam, cum è vero intellectu *mechanismi* motus progressivi sanguinis, notum esse debeat, quod ipse potissimum sanguis progressivo illo atque intestino, allisu ac attritu, non solum in debita *fluxilitate* conservetur; sed etiam continuatione hujus attritus, ipsa ejus constituentium particularum cohæsiō, sensim sensimque exteratur, atque divellatur, adeoque intenuiorem illam consistentiam deducatur, quæ posthac *serum* excrementitium constituit: dignum est consideratu, annon ex hac ipsa habilitate sanguinis, ut hoc modo atque motu è propria sua spissiore consistentia in *tenuiorem* reducatur, sub qua commodius atque copiosius è corpore evacuari, & corpus ipso *exonerari* possit; ex hac, inquam, re consilium etiam justum instrui possit, ut *motus* talis, ad hunc *finem*, suscipiatur? Quemadmodum positivè, extrinsecus suppeditato consilio, spissiore, & copiosiore sanguine, quin ipsa obesitate laborantes, jubentur, etiam *voluntario* corporis motu liberalius uti. Quo verò alio fundamento, nisi ut per voluntarium corporis motum, progressivus atque intestinus sanguinis motus augeatur, & ante nominatos effectus post se trahat.

XXVI.

Non est autem Oeconomia corporis motuum, utpote

motibus huiusmodi tota superstructa, eò usque inops consilii, ut illud simpliciter & perpetuò, ab externo suasu præstolari necesse habeat. Unde potius subinde, tam simplici & directo instituto, hoc consilium & capeffit, & exequitur: id quod fit, in febribus plerisque *Ephemeris*, & ipsa vera *Synocha* seu *Contingente* simplici: quam sub aliis etiam febrilibus actibus, ad necessitatem deductis, ut huic scopo (ut unius rei plures possunt esse fines) singul operam dare intendat. Non inconditò, *in genere*, propositò; interim, ut *in specie*, subinde minus consulto, & *antipraxis* notabilem, sub diversæ necessitatis ratione, diversis *magis* necessarij scopi conditionibus implendis, impedimentum aut detrimentum, objiciente. Confer. Diss. Excell. D. D. Præsidis, *De Febribus compositis ex acuta periodo*: quarum nempe veluti simpliciore, antiqui, verò atque pleno intellectu, *Synochos cum putredine* appellaverunt.

XXVII.

Fuerunt hæc præmittenda, ut non solum liber aditus, sed planus etiam progressus, pro nostro proposito panderetur atque pararetur. Nempe ita ante omnia, primo loco, & pro fundamento, dilucescit, quod *Febris*, dum non solum ad *exonerandum* corpus, à materiis præsentius nocuis, *appositum* & adæquatum, sed etiam in rei veritate, *unicum* est medium; adeo non sit *morbis*, aut in se, *morbi* rationem habeat: ut potius *contra* morbum, nempe corruptionem humorum velocem, amovendum atque inhibendum, dire: etè valeat.

XXVII. XXVIII.

Sed, *vulgus amicitias utilitate probat*; nempe non *quia*, & *quatenus*, sed *quamdiu*, utiles sunt, amicos interpretando. Qui sit autem, ajunt, quod multi homines, *febre* manifestò habentes, moriantur; si febris ad debellandum morbum valeat? Num verò injuria cuiquam fieri potest, si quis crederet neminem nisi *vulgus*, ita argumentari

posse; & sic satis futurum putaret, argumento ad hominem quod vocant, totam quæstionem expedire. Homines medicamentis utentes tamen moriuntur; itaque ergò A. medicamentis? *interdum docta plus valet arte malum*, recte dixit Poeta, vel ipso vulgo iudice. Exsuperans incendium, humanum auxilium spernit; ergo ne aqua ignem non extinguit? quis ita argumentatur, vel de ipso vulgo.

XXIX.

Puto peroratum esse. Sed dabimus hoc moribus, ut etiam in meridie lucernam accendamus, & cum *Diogene*, homines quæramus. Absit, ut virum de arte immortaliter meritum, *Hippocratem*, arguamus: utut juxta declamationes Senecæ Patris, etiam *per Leges, amentia sit actio, vel in patrem*: & certe *amentia*, vitium est *Physicum*, non *morale*, neque *culpa*: neque *actio* illa, tam *accusationem* præ se ferebat, quam *defensionem*. Quid vero si *Hippocrates*, ut ipsos *morbos Acutos*, ita illam quoque *formulam*, à majoribus acceptam, descripsit potius, quam præscripsit? locus est Lib. de victu acutorum: *sunt autem, inquit, hi acuti morbi, quos Veteres nominaverunt, Pleuritidem, Peripneumoniam, Phrenitidem, & Causum, & alii morbi, qui horum aliquid habent: quorum Febres, omnino continuæ existentes occidunt*. Apparet *occisionem* manifestò febribus tribui. Sed apparet etiam non minus liquidò, *febres* notari, quæ *morborum* sint: *morbi*, inquit, alii, *quorum febres occidunt*. Ergo in tali *febre*, quæ ita occidit, *morbus* subest; non ipsa *sola* febris ibi *morbus* est. *Occidunt* ægrum; sed certe audiendi sunt testes, quis *reus* sit cædis: *febris*, sine *advocato*: an *morbis*, sine iudice.

XXX.

Qui verò sunt hi *morbi*, quorum manifestò *nomina* delata sunt; & adeo quidem gravi nota, quod *morbi* utique sint, aggressores manifestarii; vim non solum moliti, sed aucti. Quales verò sunt, & ubi aggressi occisum: an strictim, per

per capillos, brachia, cutim summam? imò viscera corripuerunt, pectus, cerebri familiam, stomachum, (quem sub gravissimis hujusmodi periculis vel cordi æquipararunt iidem veteres, *ægēdian* appellantes.) Quod autem ibi facinus extat, ab his perpetratum? *inflammatio*, *corruptio*, *profunda suppuratio*, *mors* ipsa, *sphacelus*. Quid testibus opus? hæc pro se loquuntur. Quæ verò in his *Febris* culpa? nempe miseræ evenit, quod vulgò solet; *sequestri*, armatis pugnis intercedentes, exponuntur plagis & periculis.

XXXI.

Ausit aliquis *inflammationes* tales viscerum à *cædis* potestate absolvere, statim condemnabimus febrem; si verò hæc ita certò, imò inevitabiliter, hominem occidunt, ut, nisi disturbentur, atque retrahantur & repellantur, hominem occidant, salva res est: non damnanda est febris, sed laudanda, si non ob *servatum* civem, certè ob *defensum* quoad poterat: *ut desint vires, tamen est laudanda voluntas*.

XXXII.

Repetamus, certe non nostra ipsorum causa, sed eorum, quibus inculcanda hæc veniunt, quæ jam dicta sunt. Sanguinis portio, *visceribus* impacta, *stasi* segni densata in spissamentum; quomodo *distrabetur* iterum, nisi *appulsu*, *allisu*, *attritu*, & perpetuo *insultu*, novi sanguinis. Et certè necessariò *rapidior* hujus motu, quam tranquillo illo stato, qui non nisi integris & quietis rebus sufficit. *Augendus* itaque est impulsus; *frequentior*, *celerior*, adhibendus: *continuandus*, quo ad vel usus, vel quamdiu opus, est. Quid verò erit inde, nisi *Febris*. An illa velle, probare, optare, imò quantum in nobis sit *suadere*, & tamen febrem execrari, uno halitu decet?

XXXIII.

Certe *motibus* his, non rarò evenire *feliciter*, ut *stases* illas distrahant, ægrum salvent, sæpe observamus: *quietas* relictas *inflammationes* illas, præsertim *repentinas*, & tan-

quem per otium grassantes, hominem non occidere, mon-
stri simile est.

XXXIV.

Quam facile est autem, ad hoc exemplum, *Febrem* ab
omni reatu absolvere, & ubilibet invenire veros *homicidas*,
quotieseger moritur, quam maxime cum febre. Cum pe-
stilens virus, aut *variola*, *morbili*, *perechie*, intus hærent, &
visceribus ipsis incumbunt, vel *qualitate* atroci, vel *quantita-*
tate enormi; cur occidunt hominem; nisi quia loco *dimo-*
veri non possunt: non quod *motus* *deficiat*, sed quod non
penitus *sufficiat*. Ad quid autem? ad materias illas pessimas,
e corporis penetralibus, & nobilissimis partibus, ac tener-
rimis, quarum constructio violata, vix unquam resarciri pos-
est, ad *externas*, imò quantum fieri potest, *extremas*, *expel-*
lendum. Quomodo autem *expellentur*, nisi *motu*? Quo-
modo recte *expellentur*, nisi *maturate*, & ad proportionem
aucto motu. Cujus autem *medii*, quam *humorum* seu san-
guinis *Massæ*. Quid est autem *auctior* hic motus sanguinis
Massæ, nisi *pulsus* *auctior*, cum suo *sodalitio* & *pedissequis*:
quomodo vero deinde salutatur? *febris*.

XXXV.

Absolvimus confido, *febrem*; possumus *acquie-*
scere. Imò nondum licet esse tam felicibus, non possu-
mus absolvere *Febres*. Novum Paradoxon; nempe inau-
ditum & tamen verum. Quid notius est, in tota communi
vita, quam, licet omnes homines ratione præditi esse intel-
ligantur; quod tamen non omnes aequaliter illam exerce-
ant; sed, partim per connatas veluti, partim adscitas, & per
consuetudinem in alteram naturam deductas, rationes, illam
non in parem exercitacionem, promptitudinem, atque con-
stantiam, deducant. Hoc ipso vero plurima, ad optimam
illorum, & plane salutarem utilitatem atque necessitatem,
pertinentia, perplexa aut perversa, æstimatione atque dire-
ctione, ad contrarios, aut certe impeditiores, eventus, fle-
ctant, aut prolabi sinant,

XXXVI.

XXXVI.

Directio motuum vitalium, ad *salutares* effectus, ad-
versus res *materiales*, necendi compotes corpori, cum uti-
que exquisita *proportione*, nisi necesse habeat; *proportio*
vero objectum utique sit *rationalis* discretionis: si hæc non
exquisitè juxta rationabiles, seu rationi rectæ & tranquillæ
conformes, progressus, instituatur atque regatur, non posse
inde *effectum* potius quam *eventum* exoptabilem, consequi,
manifestum est.

XXXVII.

Jam verò licet hæc res, & ingens illa, diversitas tū
Aby, seu *simplicis* rationis, ἀπὸ τοῦ λογικῆ, seu *imagina-*
tivæ *ratiocinatione*, rem hanc, ut à priori, declarare possit;
quia tamen inexpectata, & propemodum incredibilis, *inad-*
vertentia hujus rei, plerisque, quibus non conveniebat, cru-
cem figit: neque debet tamen, neque potest, negligi, illa à
posteriori, veritas, experimentalis & notissima, quod tum in
corpore, etiam cetera undiquaque sano, tum eo magis, in
rebus jam *impeditis*, & nominatim *febrilibus* necessitatibus,
animi *pathemata*, seu tranquillæ rationis, imò ordinatæ *ra-*
tiocinationis, *æstimationis*, *intentionis*, atque præsentissimæ
directionis, *turbatio*, tranquillo justo ordini, *motuum* *vitali-*
um non solum certas, sed etiam præsentaneas atque prom-
ptas, & plane profundas, Ataxias inducat, circa ipsos *vita-*
les *motus*: emplo *terroris*, *trepidi* *timoris*, *sollicitæ* *inquiet-*
udinis, *nausæ* etiam undiquaque *imaginarie* &c.

XXXVIII

Quæ res, cum *per individua* notoriè vario *gradu* se
exhibeat atque exerat; quomodo mirum esse potest, si et-
iam in *febrilium* motuum exquisita æstimatione atque gu-
bernatione, eodem plane modo res geri deprehendatur.
Quæ interim, cum non rarò, tam ad præcavendum, quam ad
æstimandum, *Medicæ* quoque considerationi non parvum
momentum adferant; fit, inde, ut hujus qualicunque culpa,

per individua, etiam optimæ rei, nempe utilissimarum *administrationum*, & *exactarum* prosecutionum, *febrilium motuum*, *perplexæ & incondita directio* atque *gubernatio*, perverso usu, rem in se non solum innoxiam, sed plane salutarem, pervertat, & in contrarium effectum seducat.

XXXIX.

Hæc est illa *exceptio à regula*: *Februm*, inquam, *per individua*, periculosa *declinatio*, à febre *simpliciter*, tanquam *in genere*, & ut *in se*, considerata. A qua videlicet, per hoc *accidens*, *sinistri* illi effectus eveniunt, qui febris salutarem exitum, *per individua*, ad *defectum* inclinant; ut bona *potentia*, male in *actum* deducta, illud quod *poterat & debebat*, non assequatur: Sed *prævalens*, adversus *auxilium*, non convenienter oblatum, *materia*, potestatem nanciscatur, pessimum suum effectum, tanquam otiose atque libere absolvendi.

XL.

Hæc consideratio, si in *quotidianis*, & quantumcunque *frequentibus*, exemplis, recte ad animum revocetur, evanesceat, omnis illa difficultas, per quam *Febres*, nempe *non decenter* institutæ atque gubernatæ, *alieniores* decursus, adeoque *irritos* effectus, consequuntur.

XLI.

Ex hoc fundamento, dilucidè statim comparebit, fundamentum, tam *a priori* facile prævidendi, quam *a posteriori*, & in ipsis exemplis, deprehendendi, quam diversis *turbulentis* cursibus & decursibus, expositæ sint *Febres*, secundum diversitatem ita dictorum *Temperamentorum*, & super his *radicatorum morum*: nempe *ideæ actionum* atque *motuum*, tam ad *morales*, quam *physicos* effectus, regendorum & dirigendorum. Ita enim, in sic dicto *Sanguineo* temperamento, ubi omnia *planis*, *liberis*, adeoque *securis*, processibus, atque progressibus in corporis ipsius *tranquillis* rebus, apta & aptata sunt; adeoque tota animi *intentio*, à *laboribus* novis suscipiendis alienata est, non nisi facillimis rerum successibus, tota

sveta: Si (vel *moralis*) aliqua necessitas periculi objecti, ob-
oriatur, quam *fastidiosa, trepida, anxia*, & de felici eventu
dubia, oriri soleat idea, & *consilii* tranquillè capiendi per-
plexitas; aut intempestiva atque negligens, rectè *estimandi*
periculi, & *maturè* adhibendi consilii & auxilii, *securitas*:
nemini rectè attendenti obscurum manere potest.

XLII.

Ita in *Cholerico* corporis atque animi habitu, facilli-
mum est observare, quomodo *audax* illa, & nimis quam
prompta, & hoc ipso etiam *præpropera* & *impatiens*, ad a-
gendum & in agendo, protervia & præcipitantia, etiam in
Febrilibus motibus, nihil *ordinatum, tranquillum*, atque
maturum aut *opportunum*, ferat; sed ibi quoque, non so-
lum *voluntaria impatientia*, continentia debita defectus
introducatur: verum etiam nimis *festinationibus* utilium vi-
talium motuum, ad secret. & excretionem pertinentium,
debitas *proportiones* atque *ordines*, perturbet, ut nihil nec
tranquilli, nec opportuni, quanta conveniebat *moderatio-*
ne, geratur, nec propterea etiam commode absolvatur. Quin
intempestivè, & *immoderatè* commovendo, *immaturè*, & ad
alieniora Secretoria loca, coacervando, & *præmaturas* eli-
siones tentando, *difficiles, dubii*, imò funesti, eventus, loco
salutarium effectuum, etiam cum *furibundis deliriis*, & *vio-*
lenti convulsionibus, subsequantur. Qualibus parallela et-
iam a repentinis *animi perturbationibus patheticis*, per trans-
versum introduci, nemo serio nescit; ut a *timore mortis*, *de-*
fiderio, & *placitu* amicorum, aut solum *internos sensus*, agi-
tantibus occupationibus cogitabundis; *iracundiâ* concita-
ta, *terrore*, *somniis anxius*, & undecunque objecta *trepidatio-*
ne, *sensationibus molestis*, *odoribus aut saporibus adversis*,
strepitu quietem turbante, &c.

XLIII.

Et hæc omnia atque singula, adeò non à *materia*, aut
iusta atque necessaria *forma*, atque formula, uniuscujusque

Fe-

Febris; ut potius illa ipsa *eadem specie*, apud multos alios pa-
res incommodos effectus, nequaquam fortiaur, quales sub
concurrentibus hujusmodi circumstantiis *individualibus*,
quoties, & *quoniam*, illæ interveniunt, toties, & adeo mani-
feste ab his ipsis causis, demum introducuntur. Quæ res,
ne ad Medicam scientiam penitus inutilis, aut incoercibi-
lis, forte reputetur, habet omnino illum usum, ut ad mini-
mum *voluntaria*, communiter Symbolizans, *exspectatio*, tam
præmonendo, quam admonendo, observetur & præoccupe-
tur: tum etiam nimia illa *promptitudo*, potius mulceatur,
quam ut plane, intempestivis *stimulis* insuper adjectis, irri-
tetur atque exagitetur.

XLIV.

Dum ex adverso, in ita dicta *Polegmatica* constitutio-
ne, & negligentiore ac *torpidiore* motuum necessariorum
concurfu, danda potius est opera, ut proportionata *alacri-
tas* excitetur, atque sustentetur: ne etiam *defectus* a-
liquis, iterum legitimum bonum successum remoretur.
Quo intuitu nequaquam pro *speculativis* simpliciter conte-
mnendæ veniunt animadversiones, in Epistolis de *Pesto*
|*Dantiscana*, etiam circa hoc objectum consignata.

XLV.

Sicut autem facile comprehendendi ac intelligi potest,
quod hæ ipsæ circumstantiæ, & attentionem solertio-
rem requirant, qua deprehendantur per individua; & insuper
difficiliorem etiam moderationem, tam à consiliorum, quam
auxiliorum, potestate, involvant: ita eo magis tamen vesti-
gari atque observari debent, ne deinde simpliciter, vel in
materia malignitatem, vel in *motum febrilem* generatim,
culpa pejorum eventuum, constanter conjiciatur: quæ, in
rei veritate, non alibi residet, quam in *male ordinata* adhibi-
tione atque prosecutione, maturorum, atque congruorum,
motuum, & justæ singulorum directionis atque gubernatio-
nis.

XLVI.

Cavendum autem etiam est eximie, ne *concomitantie* illa phænomena, uti vulgaris atque popularis persuasio interpretatur, pro simplicibus & directis *morbi*, atque *morbidis*, *symptomatibus*, & reputentur, & tractentur. Ita enim *calor* naturali major, cum non possit citatiorem motum sanguinis non insequi; hic verò ad maturas *secre.* atque excretiones, verum sit præsidium: absurdè itaque hic Calor pro tali *morbi* symptomate judicatur, cui directè *resistendum* veniat. Sicut enim hoc, manente sanguinis impulsu auctiore, fieri nequaquam potest; *refrigeratio* autem externa, etiam præsentiora atque certiora, incommoda, imò damna, portendit: ita habet tamen hæc consideratio illum etiam usum, ne inconditis *regiminibus*, aut *internis* medicamentis sanguinis ex æstuationem augere aptis, incommodum hoc necessarium, adhuc molestius, imò intolerabilius, patientibus reddatur. *Esculentorum*, imprimis autem de *animalium* censu, *inappetentia*, quin *fastidium*, in Febre, perperam accipitur pro *debilitate* ventriculi; & absurdè *appetitus* provocatio suscipitur. Cum enim non solum sanæ rationi refragetur, corpus *impurum*, dum tale est, & dum *repurgatio* potius ejus, quam *nutritio* agitur, velle tunc maxime nutrire; tanquam si domum incendio correptam, durante hoc ipso, sarcire & exædificare suscipias, aut cum purgante remedio alimenta sociare: sed etiam *carnosarum* rerum substantia, & Chylus hinc prognascens gelatinosus, *putredinosæ* fermentationi propinquior sit, quam *acetosæ*: iusta potius est illa, & plane positiva, quin consultæ, à cibo *abstinentia*, quā ut hic obtrudi & ingurgitari deberet. Ex adverso, *potulentorum* appetitus, etiam consultæ rationis iudicio respondet; dum *dilutio* sufficiens, tam ipsum sanguinis *circuitum* sublevat, quam *acredines* serofas distemperat, *secre.* autem atq; *excretionibus*, commodum vehiculum præbet; dummodo nec alia conjuncta qualitate, *æstuosa*, caput occupante, *seculento* *fermen-*

*iativa, flatulenta, aut alvi stimulatoria, æstusosa, aut actuali frigore, aut immoderata quantitate, præsertim finul & semel ingerenda, heteroclitis effectibus fomitem præbeat. Vigiliæ, uti partim sensuum incommoda, partim animi sollicitudinum & curarum stimulos, comitantur; aut somnus etiam, levior & inconstans, & somnia anxia atque turbulenta, pares circumstantias circumstant: ita in febrilibus necessitatibus & periculis, nihil dispar fieri, quin insuper pavores prorsus ibi emicare, neque sanæ rationi adversatur, neque, quamdiu fundus mali exantlatus non est, in aliam viam cogi, data ope-
ra, & certo consilio, debent aut postulant. Quemadmodum etiam hæc omnia atque singula, simul atque veræ illi atque evidenti necessitati satisfactum est, nulla ope atque opera, sponte, in optatum ordinem revertuntur.*

XLVII.

Quid, quod etiam in peculiaribus febrium destinationibus, v. g. in Variolis, morbillis, & tanto magis ipsis pestilentibus emotionibus, optandis atque expectandis, absolum sit, juxta Rhetoricam phrasin, alvum officii sui admonere; quando in quibusdam ægris hæc, spontè sua nequaquam obsequitur. Cum sub motu humorum, ab interioribus potius, quantum usquam tolerari potest, restringendo, & ad externas corporis partes reclinanda potissima mole humorum, hujus regurgitationem ad intimiora corporis, quocunque stimulo, convocare atque incitare, periculosa sit alea. Cujus rei maxime notabile exemplum, suppeditat, inter alios Langius, & ipse Excell. D. D. Præses, uterque in Dissert. de Variolis & Morbillis.

XLVIII.

Quam sæpe vero, harum ipsarum, & similium, rerum, non satis exquisita æstimatione, motus febriles, in se innoxii, in transversum rapiantur, imo impellantur; & nullo certe jure postea febrī ipsi culpa tribuatur, & mortifera febris malitia & malignitas, inclametur, loquetur certe contra, soler-
ter

ter provida atque circumspecta Praxis: & calculo suo assertionem nostram, atque febris à tantò reatu absolutionem, alio calculo comprobabit.

XLIX.

Supereft, quamvis nullo modo opus fit, ut *duabus* adhuc oblocutionibus satisfaciamus; primò, de febre *Hæctica*; secundò, quod nemo propemodum, qui *citò* non extinguitur, moriatur, quin *febris concurrat*: tantò *citius* autem moriatur, quantò *acrior* febris hæc concursans, sentiatur: adeoque verosimiliter, cum morbo illo, etiam jamdiu tolerato, tamen vivere non desierit æger; probabilissimè *febris* superveniens, illud demum sit, quod ægrum extinguat.

L.

Quod itaque *Hæcticam* attinet, est propemodum plurimis hodierno tempore, ipsius praxeos compotibus, satis perspectum atque notum, quod non solum *Hæctica*, languidioribus *viscerum læsionibus*, opem atque operam aspernantibus, perpetuò jungatur; maximè omnium *ulceribus*, deinde etiam *Scirrhis* ejusmodi, qui ad *ulcerationem* tanquam in proxima potentia, inclinant atque dispositi sunt: sed etiam, ubicunque vera *Hæctica* febris viget, justissima communiter subsit suspicio, & varia signa probabilissima, quod ibi simul, vel *ulceratio* talis interna, vel *scirrhusa* dispositio, subsit atque delitescat. Imò etiam, quanto propiores actuali *inflammationi* conciendæ, *ulcerationes* similes existunt, tantò *acrior* etiam fiat illa ipsa *conjuncta* febris. Cum autem ulceratio quidem, v. g. *pulmonis*, diutius subsistere possit, sine *vita* ipsius, imò partis affectæ, violenta atque repentina profundiore læsione; semper autem *exacerbationi*, per concitandam *inflammationem*, exposita maneat: qualis *inflammatio*, *acutum* utique effectum edendi compos existat: ipsi verò etiam *internæ* tali *inflammationi*, aliud remedium, in sola naturæ potestate, relictum non sit, nisi sola illa *abstersoria* atque *dissipatoria* auctior *circulatio* sanguinis, quæ diutius

continuata, & sollicitè continuanda, *Febris* nomine proprie venit: puto mirum esse hinc non posse, si proportionatè, ut *acutum* talium partium morbum, *intensior* febris infectatur; ita ad *lentior* earundem morbum, sed tamen, *acuti* effectus periculum semper complectentem, etiam quidem febris, sed *lenta* ad minimum, adhibeatur: interim *ingravesce*ns periculum inflammationis, pari passu infectans, & pressa vestigia legens. Et hoc ipsum, secundum rectam rationem, *activa* potius intentione, *contra* morbum: quam *passiva* consecutione, tanquam *ab* ipsius morbi directà efficacità. Ubi nempe utique, vera *Theoria* atque *Pathologia Inflammationis in genere*, atque *suppurationis*, & *consolidatoriae* restitutionis, prudentius & solertius intelligenda venit, quam pariter vulgò fieri consuevit. Quandoquidem in illà, per ignobiliores, & paucioribus vasis sanguiferis insignibus, instructa partes eveniente, veluti *particularis febris*, *activo* impulsu & transpulsu copiosiore atque citatiore sanguinis, eundem utique scopum assequitur, ut vel totam materiam, nempe sanguinem *stasi* correptum, iterum *distrabat*; vel ad minimum *agilissimas* partes continuè auferat, quò ita *pus* solum remaneat: non autem, relictis inibi etiam, *agilissimis* illis partibus, immanens *corruptio putrida*, seu *sphaecelus*, eveniat: qui nempe, si tali *stasi inflammationis* subsidium non succurrat aut satisfaciat, inevitabiliter sequitur. Et in rei veritate *Gangraena*, tanquam acerrima *inflammatoriae* commotionis intensio, nihil aliud est, quam *Febris acuta particularis*; antiqua interpretatione, consecutionem *mor-tis* particularis, satis impediendi non amplius compos: dum interim bene procedens *inflammatio*, rationem solum habet *febris continuæ particularis*.

LI.

Quemadmodum autem ex hac ipsa contemplatione, illud imprimis dilucescit, quod etiam *Hectica* febris, morbo tali, in ipso habitu *solidarum, nobiliorum* partium radicato
atque

atque inhærenti, similiter non alia ratione, quam perpetui subsidii, & quasi custodiæ loco, adjungatur; ut nempe latiores ejus progressus corruptivos, circumscribat & coërceat: & sicubi ille quoque, per diætam v. g. intemperantem, acida, fermentescentia, acria, rodentia atque stimulantia, nova noxia subsidia nanciscitur, hæc quoque febris, acrius, & cum majore contentione, ad auxilium convolet, & repugnet: Ita interim mirum esse non debet, quod hujusmodi inquilino malo hospite, imò infidioso hoste, prægravatâ, & perpetuo ulteriori peri culo expositâ œconomiâ corporis, Natura *motuum* præses, non solum *solicitudine* tacita, *inquieta*, *fastidiosa*, *impatientior*, *meticulosior*, *torpidior*, *sensibilior* observetur; sed etiam, & hoc tantò magis ipsi eveniat, & simul actu *virium* vigor magis magisque langvescat, dum utique velut *indefinenter*, plus *motûs* exercere necesse habet, quam ordinario sano corporis statui impendere opus esset. Quorsum eodem referenda etiam est, illa *nutriendi* corporis, velut incuria; cum etiam ex nudis *patheticis*, acrius penfitabundis sollicitudinibus, aut desideriis, aus der Sehnsucht, und daß Kinder von mäßigen Jahren an einem fremden Ort nicht gewöhnen können, omnino pares effectus noti sint, non solum circa *appetitum* ipsum neglectum, sed etiam *nutritionem* omissam: daß sie nicht allein nicht zunehmen, sondern ganz abnehmen und verkommen. Conf. diss. Harderi, de *Nostalgia*, vom Heimwehe. Ita nihilomagus etiam mirum est, si per has circumstantias, etiam *exquisitus* tenor gubernationis absolute salutaris, pro *directo* scopo hujus febris, *perturbationes* eo facilius incurrat, non tam æquè absolutè à *materiali* habitu reciproco, inter morbum atque corpus: quam etiam secundum has *æstimatorias* & *intentionales* circumstantias concurrentes: non aliter, atque à simplicibus repentinis *animi pathematibus*, tam præsentaneæ perturbationes inducuntur, quàm durabiles, aut subinde repululantes: unde usitata nostratium formula, à *terrore*, gravi

indignatione, timore, sie können nicht wieder darüber zu gut werden, können es nicht wieder aus dem Sinn bringen &c. cum non dissimilibus, circa *appetitum, somnum, torporem & languorem* corporis, consuetudinibus: imprimis autem, veluti repente impressam, *sensibilitatem* eximiam, ad *novos* animi motus, & concurrentes tales corporalis oeconomiae turbationes.

LII.

Quantò intentius autem minari videtur, & febrium causæ imminere, fatalis velut ille ictus, de febre in flagrante facinore *cædis* deprehendendâ; tantò vanior cadere, & solas auras ferire deprehenditur. Febris adversus *mortiferæ* pericula, propius corpori, sed *materialiter*, incumbentia, ut subsidium destinari, à nobis asseritur; mirum autem profecto potius esset, si homo ab inhærente materiali aliquo vicio moreretur, febre non in subsidium accita; quam quod sub illa, quantum fieri potest, tentata ac opposita, tamen moriatur. Piget Rhetoricam advocare, aut jam abunde allé-gata repetere; non qui *perficere non potuit*, à quoquam æquo arbitro vituperatur; sed ab omnibus ille, qui planè nihil suscepit aut egit, sed totus iners, hosti cervicem præbuit: & si nihil aliud, certe *remorari* ultimum damnum, præstat, quam ignaviter recipere.

LIII.

Interim tantum abest, ut negemus, ut potius sedulò inculcemus, in *trepidis, anxiiis, angustis*, & prope jam *desperatis* rebus, tranquillum ordinem servari vix solere; sed tunc etiam facilius *turbulentius*, quam *sedatiùs*, & *intentiones, & actiones*, subinde geri. Unde etiam ipsos *convulsivos* motus, tanquam ultimum molimen, & in unum quasi collectarum virium, supremam luctam, quamvis *effectui* optabili nequaquam parem, tamen simpliciter *nullâ intentione* elidendi & excutiendi, tentari, non immeritò dubitamus. Taxavimus semel, & inconsideratam declaravimus, instantiam illam; quod *humana* natura, nempe *anima rationis*, com-
pos

pos, hoc ipso & *quà talis*, ubi plenum effectum assequendi nulla spes fundata supersit, potius *nihil frustra* machinari deberet, quam irrita tentamina adire. Præterquam enim quod *ratio* humana, absurdè hic *absolute perfecta* exigatur, quæ nusquam alibi talem se gerit aut effert; certe etiam illud, *moram* quæ licet objecisse incumbenti vitæ damno, à *sanâ* ratione non abludit.

LIV.

Quid, quod etiam his evidentibus rationibus frustra contranitentes, ipso facto agnoscunt, non tam *febre* mori, qui *cum febre* moriuntur; dum vel ipsi curiosius scrutari sustinent, vel aliis curiosius scrutatis promptè credunt, quod in plerisque omnibus *mortuis*, vel visibilia signa appareant, *sphaceli* in Visceribus coorti. Hunc autem à *febre* arcescere, ex eo certe irritum fuerit, quod tot *millenis* vicibus, homines etiam valde acres atque æstuosas febres tulerent, sine *sphaceli* talis, & consequenter *mortis* eventu: *Sphacelus* è contra *visceribus*, ipsis minime dissentientibus, ne *semel* tantum accidere possit, sine *mortis* inevitabili eventu. Unde hic auro contra caram habere decet, disertam illam priscorum Medicorum distinctionem, *morborum acutorum*, à *febris* illorum morborum comitibus: & potius *absolvere febres* illorum, à reatu, qui *morbis* illis ipsis, insolidum incumbens, silentio præteritis illis, injuria febri illorum, quamvis ab illis ipsis etiam priscis, imputatur.

LV.

Confidimus autem sufficere posse, illa, quæ de *intentione*, in genere, *optimâ*, per *febriles motus* propulsandi vitæ pericula; sed per *trepidat*, minus *ordinatas*, & minus *constantes*, executiones, non rectè administratas, specialissimum finem, juxta singularum materialium diversitatem, non assequente, abunde comprobavimus. *Errare humanum est*, recepta est Paroemia; tanto certius huic etiam proposito quadrans; cum soli *homini*, tam promptè, & tam frequenter,
Febre

Febres evenire sentiantur: nedum, *per individua*, ita dissimiliter atque inconstanter administrari, & *animi pathematibus*, aut indolis malis *moribus*, in errores prolabi.

LVI.

Interim neque hæc *sola* est causa, *heteroclitici* successus, & ultimi sinistri eventus, febrium; cum potius ipsi illi, qui toti sunt in *matariarum* potestatibus extollendis, illud magnopere ante oculos habere deberent, quod etiam sæpe numero fieri possit, ut præsentioris mali effectus compotes *materiæ*, omninò interdum parti alicui *nobiliori* ita innidulentur, ut hæc ipsâ ratione etiam diversum reddant febris tam decursum, quam eventum. Et hoc ipso intuitu, neque opus sit, ita absolute, aut solum ita sæpè, in *erroneam* atque *turbulentam administrationem* motuum, totum negotium reclinare; sed sæpenumero etiam probabile esse possit, quod febris talis, verò *matariarum* vitio tali, aliter, quam apud alios, sese gerat: neque simplici *materiæ in se* spectatæ, neque febris seorsim, culpa, sed *subjecti*, nempe *partis* quam *materia invasi*, periculo.

LVII.

Jam cum omnis bona intentio, neque minus omnis reliqua inventio, ad *movendum*, irrita prorsus sit, & effectu cascata, quamdiu *materia* ita comparata non est, ut motui *obsequatur*: aut penitus *motu* corrigi & in ordinem redigi inepta: nempe *locali*, humorum, qui in febre præcipuum punctum ferre debet: aut complicatæ ita sunt res, ut portio quidem *materiæ* motui adhuc respondeat; alia verò materialis circumstantia huic non obsequatur, interim nihilominus, imò plus periculi, aut damni machinetur: fit ita omnino, ut, quamlibet uni scopo, (ut hic, *materiæ* per humores adhuc corripere aptæ,) febrilis motus adhibeatur, tamen graviore atque penitiori damno, quod solidis tenerrimis partibus jam inductum est, neque hac, nec alia ratione, sufficienter consuli possit. Cujus rei manifestum exemplum præsto est, in

pesti-

pestilente materia; quæ, quantumlibet à *nobilioribus* partibus, ac è toto sanguine, *extrorsum*, ad ignobiliores, *protrusa* est; tamen ibi inverti non potest, aut subigi, quo minus adhuc corruptelas inducat: in *Carbunculis* quidem, per *sanguiferas* partes, gravissimas, *putredinosas*; in *exsanguibus glandulis* autem, *ulcerosas*. Si itaque hujusmodi efficacissima materia, *interiorem* aliquam partem, propter summam abundantiam *ramificationum* sanguiferarum, præsentissimis talibus malis effectibus exopsita, occupaverit aut corripuerit; quicquid etiam, pro *residuâ* ejus quantitate per *humores* vagante *febrilibus* motibus tentetur atque agitetur, funestum effectum evitari impossibile fit: interim incomprehensibile, quo jure ille *Febri* tali imputari possit, aut solum *potius* Febri quàm alteri illi *acutissimo* morbo, nempe *visceris vitalis corruptioni*, non à *Febre*, sed à *materia* illa pessimâ, pendent: & quidem manifestò, *quatenus* parti firmiter innidulatur, eamque non solum corripuit, sed corrumpit, adeoque *Febrilibus discussoriis* motibus, non amplius obsequitur.

LVIII.

Si his adductis, & magnâ patientia deductis, *rationibus*, *veris* non solum, sed etiam *evidentibus*, probatum nondum est, quod *Febris*, *in se*, non sit *lethifera*; sed potius, *directè*, *utilissima intentione*, & *efficacissima proportionè*, *salvando* potius corpori, & *expugnandis* noxiis materiis materiis, respondens: nullis probabitur. Plus autem jure meritoque dico, qui hanc non capit atque percipit, nullam capiet, demonstrationem: Sed manebit certe, non hæc solum res sed quæcunque etiam alia *demonstrationibus* quantumcunque luculentis innixa, in perpetuâ *confusione*, & planè *contrariâ* acceptione, atque applicatione. Quod quidem, pro simplici mentis conceptu, otiosis speculationibus, acquiescente, facile negligi posset; si verò in *praxin* ingeratur, eadem certe *demonstrativâ* veritate, non potest aliud quicquam introducere, quam solidum, veritati atque veræ *necessitati*, directè & simpliciter, *contrarium* effectum. Adquem, quantum usquam fieri potest,

retundendum, necesse erit, usum hujus veræ atque solidæ contemplationis, *prædicum*, indicare.

LIX.

Frivola certè, ad minimum autem prorsus in considereta, licet vulgatissimo more plane familiaris, est argumentatio illa: *si motus febrilis*, ac ipsa *natura* suscipitur, & ad *expugnandam* morbidam materiam, adeoque *salvandam* corpus, tam eximie quadiat; non erit locus *Arti*, ut in ullâ Febre, subsidiis *extrinsecus* admovendis, concurrat aut succurrat. Quale verò argumentum? Certe si inter res serias, ridiculas consequentias hujus allegare liberet, eadem opera conficere licuerit, quod *sutoriâ*, *sartoriâ*, &c. nihil opus sit; Cum nudis pedibus incedere, nudum domi, ad fornacem, in lecto, manere possibile sit &c. Quam facile verò, imò quam necessario, recordari licet distinctionis, inter *Febrē*, & *Febres*; inter *tò Esse*, & *bene Esse*: inter necessitatem *absolutam*, & *secundum quid*, *respectivam*: inter *accidentia rara* & *difficilia*; & *frequentia* atque *facilia*: inter *Naturam sibi relictam*, & *sibi constantem*, & *turbatam*, in transversum actam, prægravatam &c.

LX.

Non utique propterea, quia natura etiam *sponte sua*, neque malis *moribus* depravata, aut *consuetudinibus*; neque aliis jam *materialibus* incommodis onerata, nec ipsa *materiæ quantitate obruta*, etiam posset sibi consulere; non, inquam, exinde sequitur, ergò *necessario*, arte *nihil juvari*, aut *sublevari* potest. Et cum adeo notoria sit *voluntaria*, & peruersè *logistica*, seu *rationocinans*, *impatientia*, & *immorigera* hominum *incontinentia*; annon etiam *artis* est, nempe cum *rectâ ratione* efficacis, secundum *scientiam* rectæ rationis, *consilio* regere atque gubernare ægros; ne illud, etiam de reliquo bonum, imo sufficiens, *auxilium* propriæ potestatis, per illa *vitia* rationis *rationocinantis*, irritum reddatur; aut, iusta & bona *intentio* naturæ, in *periculosis* materiis febrilibus, à *cibis* abstinendi, imprudente *consilio* atque

jussu oppugnetur; iusta & consulta *potius* cupiditas, *contra-*
ria præscriptione infestetur: boni successus *secessionum*, an-
 tiquitus dictarum *coctionum*, observentur; *prognosis*, pro-
 solatio ægri, & meliore obsequio, inde formetur: & patiens
 reliqui decursus *expectatio* atque *tolerantia*, imperetur. Imò,
 quoad modo verè concessum est arti, vel ipsa *materia*
 malitia infringatur; vel ad *faciliorem* secessionem seu co-
 ctionem, disponatur: & quò maximè *vergit* natura, aut ver-
 gere debet, placidè *ducatur*, & *impedimenta*, atque aberrat-
 iones, *præoccupentur*.

LXI.

Tanti verò certè est, inconditam talem argumentatio-
 nem in viam revocare; ut maximi momenti sit, illam diser-
 tis verbis, non solum restringere, sed etiam adstringere. U-
 bicunque *Natura*, *spontaneis* illis suis motibus *Febrilibus*, &
 concurrere observatur, & rectè concurrere; adeoque sibi
sufficere posse, intelligi potest, *ibi arte non est opus*. Imò i-
 bi arti non est *locus*; nisi manifestis atque certis documen-
 tis, probatum dare possit, quod *datum* ipsi sit & *concessum*,
 vera atque evidente subsidiaria operâ, in tali *specie* febrilis
 materiæ, naturam *sublevare* & juvare. Magnum profectò
 postulatum, præ quo omnes illæ vanæ, falsæ, præsumptuo-
 sæ, imò temerariæ, traditiones atque ostentationes, pess-
 mo consilio in artem Medicam intrusæ, contemnendæ sint, i-
 mò damnandæ.

LXII.

Allegamus meritò cum iusta laude, atque attentionis
 & imitationis commendatione, *Hippocratem*. Quorsum e-
 nim tendunt, vix non omnes, numerosæ quantumvis, anno-
 tationes hujus viri, *de acutis*, & *Epidemicis* Febris; quam
 ad *prognosin*, quid ab illis, *quis*, inquam, & *qualis*, *eventus*,
 expectari possit: quam parcus autem, imò circumspectus
 est, in *auxiliis* ostendendis, nedum ostentandis, atque im-
 perandis? Quorsum pertinent etiam pleraque illorum quæ
 nominat, nisi ad *consilium* potius, quam jactatum auxilium?

ad *Dietam*, inquam, magis, quam *Pharmaciam*. Inspiciatur solum commemoratio ejus Febris *lethifera*, prout illam peculiari differtatione collustravit Excell. D. D. Præses: perpendantur verba, ejus, Lib. I. de Morbis (Lindenianæ Editionis, Tom. II p. 3, Cap. III, §. X.: *morbi qui perdunt, & non perdunt*, &c. Tanti inquam, nempe maximi, momenti est, non persuasioni indulgere, & credulitati, quod hic multum possit *Ars*, adeoque non debeat quiescere, sed sese ingerere & obtrudere, operosa & negotiosa esse, *positivis pharmaceuticis* artificiis; ut tali sensu, ne quidem *locus* ipsis sit, non opem, sed damnum inferre aptis. Nempe hoc potius discendum erat, quam ediscenda, atque declamationibus propaganda, sesquipedalia illa promissa, irrita, vana, atque falsa.

LXIII.

Quis vero, pro vir cordatus atque bonus, non divinâ agnoscat benignitate & clementia, in mediis castigationibus paternè se manifestante, quod tandem, oculos atque animos mortalium aperiatur, & ex ipsis damnis sapere doceatur; dum *peste*, per proximos annos hinc inde grassante, nullos certius atque citius, imò calamitosius, emori, patefecit, quàm qui deprædicatis illis artificiis pharmaceuticis, diligentissime & largissime utantur. Non plures autem morbum gravissimum superare, quam qui neglectis his, rem *naturæ committant*, & voluntaria continentia, perturbationes evitent.

LXIV.

Absit ut mihi aliquid arrogem, Præses; in luce publicâ interim, & in medio, prostant animadversiones atque admonitiones, de hac re, jam per XX. propemodum annorum decursum, ad ravim usque, & non solum ad imperitorum censorum, sed modo non mei ipsius, nauscam, tractatæ, repetitæ, inculcatæ. Non *mea* proferre, unquam mens fuit, sed *vera*: hoc egi, hoc agere, volente Dec, non delassabor.

LXV.

De *Variolis & Morbillis*, morbo propemodum indefinenter occurrente, si peroratum nondum est; quid impedi-

re unquam potuit, quo minus esset, nisi sola inertia atque, pervicacia; quod eadem, totis exemplorum Chiliadibus, sibi relictæ, & non nisi solo moderamine levissimo regiminis, privativo magis excessuum, quam positivo auxiliorum, suffultæ, feliciter exeant: infelicius aut periculosius, artificiiis interpositis, & consiliis inconsultis. Imò, cur, nemo animum advertit, aut, evidentissimam illam rem, observatione dignatus est, digniore certe, quam est magnus numerus curiosorum; *quod, & quot*, homines, à cujusvis generis, imprimis autem periculosis, *febris, sine omnibus artificiiis* convalescant: maxime omnium autem, *sine illis*, (ego etiam crediderim, *propterea*) quæ præcipuis laudibus hic efferri atque decantari siveverunt. Sicut hujus rei documentum etiam præbere possunt, ipsi *Castrenses* morbi; recte æstimando, quid illis, directi, veri, & nihil æquivoci, auxilii, ex illis, certe ut empyricè, *inconditè* adhiberi solitis remediis, asserere, prudentia permittat.

LXVI.

De *peste* certe, jam pridem illud optavi Præses, quod nunc tantò magis publice profiteor, & ad hoc invito, quicquid est laboris, solertes viros, ut in illis, imprimis populosioribus, Urbibus, in quibus Pestis, per Dei gratiam, desit grassari, numerus ineatur hominum, qui morbum hunc, salvavita superarunt; & sub quibus circumstantiis per decursum, sanitatem assecuti sunt. Præcipue qui nihil speciosum usurpaverunt; qui verò quocunque tandem remedio usi fuerint, quænam manifestis sensibilem effectum, de tempore in tempus, percepisse sibi visi sint. Digna, in hunc sensum atque in hoc censu, quæ memoretur, est Felicis Platerii observatio, *Lib. II. Tit. de Peste*, quod hac Basileæ Helvetiorum, suo ævo, grassante, in solo Nosocomio, vivi evaserint, *quadringenti septuaginta octo*, & ex his multi, nullis usi remediis. Neque tacenda, in pari re, solertia Medici Practici laudatissimi Dantiscani, D. D. J. G. Kulmus, Vratislavia Silesii, Auditoris ante hac mei gnavisimi, qui multis ægris

per primos dies medicamenta offerre supersedit, præscripto solum regimine circumspecto. Et meretur sanè attentam lectionem, commentatio doctissimorum Virorum, de *pestilente morbo, Viennæ Austriæ* grassato, vernacula lingua in publicum proposita.

LXVII.

Ita nempe demum hæc nostra tractatio non otiosa manebit, & solis *Theoriis* forte destinata; si potius quam maxime, ad usum *practicum*, inde eliciantur, & qua decet solertia, enodentur, *quæstiones* hæ, unice utique ad *artem* pertinentes; quid ex hoc, vero atque solido fundamento, 1) discernendum sit, de eo, an in oblata *febre*, in illo individuo, etiam *opus* sit arte? 2) an eximius *usus* ibi sit arti, & ab illa bona fide & fiducia expectandus? 3) an etiam solum, & quatenus, *locus* sit arti, ut, si non magnopere juvet, certe nihil noceat? 4) quomodo etiam *nocere* possit ars, *turbare*, *ordinem* pervertere, sinistros eventus provocare. Erit certè Scientiæ, experientiæ, & prudentiæ, eximius locus, & ampla Palæstra, ubi vires suas experiri possint, imò ostendere,

LXVIII.

Memini satis, dictum jam est sæpius, unum idemque; sed *numquam nimis dicitur, quod nunquam nimis discitur*: ad ultimam propositarum quæstionem imprimis faciens documentum. Habemus hodie exempla, ubere proventu, partim *historiæ* Febrium ita *perplexarum*, ut proinde illas, cum exquisitissimis illis antiquiorum divisionibus, nusquam propemodum conciliare sustineant Practici; imò per individua subinde hoc fateantur, de aliqua, quæ forte præ manibus est, sie können sich in dieses Fieber nicht schicken: Quid ita verò? nisi quia non, quæ poterat aut debebat, febris incedit & procedit, sed qua ducitur, imò cogitur: artificiis, veteribus non solum non usitatis, sed revera non probatis. Plus dico; occurrunt, neque raræ quidem, Febres ejusmodi, jam de *intermittente*, jam de *continua*,
per

profapia, & primo initio: quæ ex uno typo in alterum, verius ex una ataxia in alteram, transmigrant & prolabuntur: ita ut ægri sæpius, non per *septimanas* solum plures, sed omnino *mensēs*, cum illis colluctentur, & non raro ne unquam quidem ad antiquas vires revertantur. Qualium autem febrium, si ulla, certè rarissima mentio apud antiquiores occurrat; anomalarum autem, ad minimum notabiliter, frequentissima utique exempla. Aecedit autem his rebus, maxime notandum, quod de multis aliis ægris, qui ejusdem speciei febribus affecti, vel nullis remediis utuntur, vel non talibus, nemo in parem malum eventum prolabatur. Quis vero fit, ut animi non tandem denique excitentur, ad cordate perpendendum, an, & ubi tandem, error hic lateat? Si imprimis illud etiam adjiciatur; quod sub servata uniformi tali methodo, uni eidemque practico, non possit aliter evenire, si quidem praxin exerceat numerosiore, quin identidem febres ipsi oblatae, ad minimum aliis, & deterioribus, Symptomatibus stipentur, quam in illis observare queat, quæ vel nullis, vel moderatioribus, artificiiis tractantur.

LXIX.

Unde potius *duo*, ad veram practicam utilitatem unice pertinentia, *Theoremata*, adhuc, pro *Colophone* præsentis tractationis, adjicimus, atque commendamus; nempe primo *definitionem* febris veriore, & Medicis usibus unice aptam; FEBRIS, dico, est *auctior concitatio motus humorum circularis; & morbidæ materiei proportioni, ad tempestivas, sed & maturas, secretiones, & è toto corpore excretiones, apta & respondens, directio, ad res hujusmodi, è toto corpore ita evacuandas, adeoque corpus suæ puritati restituendum: ab ipsa natura, conservationi corporis, per hanc ipsam methodum, indefinenter, & proportionate, invigilante atque satisfaciente, tunc etiam suscepto, atque gerendo, toto negotio.*

LXX.

Secundò loco, commendo, ut non solum, secundum hanc considerationem, prudenter expendatur, quomodo *marciarum* talium *morbidarum,*

diver-

diversa *conditio* atque *constitutio*; & in *partes*, vel *fluidas*, vel *solidas*, facta *infiltratio*, aut *invasio*: *Sucessum*, bonæ febrilis *destinationis*, varie alterent, & tam *processum* circumscribant, quam, *solidis* partibus inducto sonitico vitio, etiam frustrentur. Sed etiam, quomodo, undecunque tandem, gravius *turbata* ipsa *intentio* & *intenta directio*, circa hos motus *tempestive suscipiendos*, & *ordinate gerendos*, generaliore *salutarem intentionem*, pari eventu, à vera sua & sincerâ *efficaciâ*, & *possint*, & subinde *soleant*, avertere.

LXXI.

Quibus rebus, uti potest fieri, atque debet, recte pensitatis, facile dilucescet, quid sperare liceat atque statuere, de illa, tumultuariis febrium *considerationibus* atque *æstimationibus*, superstructa, speculatione, febrem in genere, tanquam per *universale* aliquod *remedium*, aut unam *universalem methodum*, ut vulgaris habet expressio, *extinguendi*. Cum enim non Febris, sed *materiæ* febrilis ratio manifestò habenda veniat; nisi artificium tale toti *materiæ*, in genere & per *species*, edomandæ satisfaciât, motum certe febrilem cohibere, quid aliud esset, quam *materiis* illis, liberum *grasandi campum* aperire & concedere?

LXXII.

Ltcet enim ea posset esse *intentio*, ut natura, juxta *Helmontii* *Speculationem*, ad indignationem, & uti loquitur ad furorem quasi, incitata tali *artificio* ab illo, *impetu* revocaretur, atque *sedaretur*; dilucescit tamen affatim quod hac ratione minimè toti Febri consuleretur, sed unicè illis ejus *Symptomatibus*, quæ etiam nostro ipsorum *judicio*, ab *erroneâ* tantisper exacerbatione, per obliquum concutere possent: non verò illis *commotionibus*, quæ *materiæ*, quanta maxima potest *proportione* respondentes, utique debentur: sive tandem illam feliciter superent, sive talem *felicem effectum* non assequantur.

LXXIII.

Unde, tam laudato ab *Helmontio*, *Mercurio* *Diaphoretico*, quam *Kergeri* *artificio*, quo febres *sine distinctione*, intelligo *speciei*, *temporis*, & *excretionum*, subigi posse pollicetur, ullam fidem adhibere, eo usque constanter supersedebimus, donec verò & *constanti experimento*, assertorum *veritas* orbi demonstretur.

Atque ita quidem suscepto nostro proposito satisfecisse confidentes, *Divinæ Clementiæ*, pro præstita nobis gratia, humillimas grates habemus, & ut seria harum rerum pervestigatio & agnitio, publicis artis, imò totius generis humani, commodis, exoptatam utilitatem adferat, omnipotenti ejus *benedictioni*, medullitus commendamus.

S. D. G.